

სტორია: ფაქტი, მოვლენა, კომენტარი

მედია ბურდული

მეცნიერებების პროგნოზები თელავის მუნიციპალიტეტში

სტატია მომზადებულია რუსთაველის ფონდის მიერ დაფინანსებული პროექტის – „ქართული სოფლის ტრადიციული ხამეურნეო კულტურა და მისი განვითარების პრისტავის მიერ მიუღებული გამოკვლევა“ – ფარგლებში

მოქლე შინაარხი

სტატიაში გადმოცემულია თელავის მუნიციპალიტეტში მევენახეობის დარცხი არსებული თანამედროვე პრობლემები. თელავის მოსახლეობის დაახლოებით 72% დასაქმებულია სოფლის მეურნეობის დარგში და წარმოდგენილი არიან, როგორც მცირე, ასევე საშუალო საოჯახო მეურნეობებით. ეთნოგრაფიული მასალის მიხედვით, კახელი მევენახეების ერთ-ერთი ძირითადი პრობლემაა მოწეული მოსახლის გასაღება, ასევე მოძველებული სასოფლო-სამეურნეო ტექნიკა, გადამამუშავებელი და სასაწყობე (სამაცივრე) ინფრასტრუქტურის სიმცირე, მიწების დანაწევრება და მისი საშორე, ხშირად დასახლებული ადგილიდან ვენახის დაშორება ათობით კილომეტრით იზომება, თელავში არსებული ვენახების 50-60% საბჭოთა პერიოდშია გაშენებული და ოფიციალური მონაცემებითაც ვაზის ძველ ნარგაობებში დიდია მეწერიანობა, რის გამოც დაბალია საპექტარო მოსახლიანობა, ყურძნის ხარისხი და სხვ.

ზემოგანხილული სინელექტის გამო სულ ახლო წარსულში ადგილი ჰქონდა ვენახის სხვა კულტურებით ჩანაცვლებას, ვენახის გაყიდვას, მოუკლელად დატოვებას. ვენახი კახელი კაცისთვის ყოველთვის ოჯახის ეკონომიკური შემოსავლის ძირითადი წარო იყო, მაგრამ XX ს-ის 90-იანი წლებიდან საქართველოს სოფელში განვითარებულმა მოვლენებმა ვენახს ფუნქცია დაუკარგა, შემოსავალი არასტაბილური გახდა, ჩასაბარებელი ყურძნის ფასის მუდმივმა ცვლილებებმა, ფასის დავარდნამ უარყოფითი შედეგი გამოიღო და გლეხმაც ვენახს გული აიყარა.

ბოლო წლებში სახელმწიფოს მიერ მევენახეთა სუბსიდირებამ შედეგი გამოიღო და დაიწყეს ახალი ვენახების გაშენება, აღარ იყიდება ვენახები. როგორც ეთნოგრაფიული, ისე თელავის მუნიციპალიტეტიდან აღებული ოფიციალური მონაცემების მიხედვით 2014 წელს 2013 წლითან შედარებით ვენახების ფართობი 150 პექტრით გაიზარდა, უპირატესობა ენიჭება სამრეწველო ჯიშებს, – რქაწითელსა და საფერავს, შედარებით მცირე ფართობზეა გაშენებული კახური

მწვანე. ოქლავის რაიონში მევენახეობის განთქმული მიკროზონებია სოფლებში წინანდაღსა და ნაფარეულში.

სოფლის მეურნეობის დარგში ჩახედული სპეციალისტების აზრით, მევენახეობა-მედფინეობის დარგში არსებული პრობლემების მოგვარების საუკეთესო გზა იქნება ფერმერთა გაერთიანება კოოპერირების გზით, მაგრამ ეთნოგრაფიული მასალიდან ჩანს, რომ კოოპერატივების მიმართ ხალხს ნაკლები ხდობა აქვს, კოოპერატივის ხელნებაზე კოლექტივი ახსენდებათ და არ უნდათ. ცდილობები თავად გაუმპლავდნენ არობლების. ბოლო დროს კახეთში შექვე გაიზარდა დიდი გენახების მფლობელ ფერმერთა რაოდენობა.

თელავის მოსახლეობისთვის ძალზე მისადება ბოლო დროს გავრცელებული ინფორმაცია, რომლის მიხედვითაც თელავში შეიქმნება „დაინის სახლი“, სადაც თავად გლეხებს ექნებათ შესაძლებლობა მიიტანო თავისი ყურძენი და დაწურონ და შემდეგ დაინოს გაუკეთონ რეალიზაცია. როგორც გადმოგვცემენ, ეს, დაზღვევის სათანადო ამოქმედებასთან ერთად დიდ სტიმულს მისცემს მევენახეობის განვითარებას.

Medea Burduli

PROBLEMS OF VITICULTURE IN TELAVI MUNICIPALITY

Abstract

The article is prepared within the project financed by the Rustaveli Fund -“Traditional farming culture of the Georgian village and the perspectives of its development (historical and ethnographic research of Kakheti region).

The article deals with modern problems in the field of viticulture in Telavi Municipality. About 72% of Telavi residents are employed in agriculture and have small or medium family farms. According to the ethnographical material one of the main problems of winegrowers in Kakheti is selling the harvest, outdated agricultural machinery, food processing and storage (refrigeration) insufficient infrastructure, land fragmentation and its remoteness (vineyards are far from their houses by tens of kilometers). 50-60% of vineyards in Telavi are planted in the Soviet period. According to the official data the spacing in the old vineyards is rather big, it caused low per-hectare yield and low quality of grapes and so on.

Because of the above mentioned difficulties in the recent past, winegrowers either replaced the vineyards with the other crops or sold or abandoned them. Vineyard always was the main source of economic income for the residents in Kakheti. But from the 90s of the XXc. vineyards lost their function because of the events having developed in the villages of Georgia. The income became

unstable. Constant changes of grape prices caused negative results and peasants decided to abandon vineyards. But subsidies allocated by the government in recent years had a result, winegrowers started to grow new vineyards. According to the ethnographical and Telavi Municipality official statistics, in 2014 the vineyard area increased with 150 hectares in comparison with 2013.. Preference is given to industrial breeds- Rkatsitela and Saperavi. Kakhuri Mtsvne is planted relatively on a small area. Grape-growing micro-zones in Telavi district are in the villages: Tsinandali and Napareuli. In the opinion of experts in agriculture, the best way of solving the problems in viticulture is to unite the farmers through cooperatives, but ethnographic materials show that people, remembering old collective farms, show less confidence towards cooperatives. They try to deal with the problems themselves. The number of farmers who own great number of vineyards has greatly increased in Kakheti the last days. The idea of establishing “The Wine House” for Telavi residents gives them the chance to take their grapes there, press them and sell the wine themselves. As they say it will develop viticulture , along with the enactment of appropriate insurance.

საჯანძო სიტყვები: თელავის მუნიციპალიტეტი, წინანდაღი, ნაფარეული, რქაწითელი, საფერავი, კახური მწვანე, ფერმერი, მეგნახე, ვენახი.

Key words: Telavi Municipality, Tsinandali, Napareuli, Rkatsiteli, Saperavi, Kakhuri Mtsvane, farmer, winegrower, vineyard.

შესავალი. სტატიის შესავალში საუბარია თელავის მუნიციპალიტეტის ფიზიკურ-გეოგრაფიულ მდებარეობასა და გეოკლიმატურ პირობებზე, რაც წარმატებული სოფლის მეურნეობის წინაპირობაა. კერძოდ, თელავის მუნიციპალიტეტში, გეო-კლიმატური პირობებისა და გეოგრაფიული მდებარეობის წყალობით, უძველესი დროიდან დღემდე, საქართველოსათვის დამახასიათებელი, ყველა ტრადიციული სამეურნეო კულტურა იყო და მეტ-ნაკლებად დღესაც არის განვითარებული. თელავის რაიონი მიეკუთვნება ზომიერად ნოტიო სუბტროპიკული ჰავის ოლქს, ზომიერად ნოტიო ცხელი ზაფხულითა და ზომიერად ცივი ზამთრით. „ახმეტა-თელავის ქვერაიონი მაღალი თერმული რეჟიმით ხასიათდება. ... ახმეტა-თელავის ქვერაიონის კლიმატური პირობები უაღრესად ხელშემწყობია სოფლის მეურნეობის მრავალი კულტურის გავრცელებისათვის, ხელსაყრელ კლიმატურ პირობებთან ერთად ქვერაიონში გაგრცელებული ტყის

ყავისფერი, სხვადასხვა სახის ალუგიური, კარბონატული, თიხნარი ნიადაგები დიდი ნაყოფიერებით გამოირჩევა და ინტენსიურად არის ათვისებული“ (უკლება, 1966: 56).

თელავის რაიონის ტერიტორიის ცენტრალური ნაწილი გაშლილია ალაზნის ვაკეზე და შემოზღუდულია სამხრეთ-დასავლეთით გომბორის ქედით, ხოლო ჩრდილო-აღმოსავლეთით, კახეთის კავკასიონით, რაც აღნიშნულ რეგიონს ცივი ქარებისაგან იცავს და აქ ისეთი მიკროკლიმატია შექმნილი, რომელიც ვაზის კულტურისათვის მეტად ხელსაყრელ პირობას წარმოადგენს. თელავში მდებარეობს მევენახეობის უნიკალური ზონები: წინანდალი და ნაფარეული, სადაც დღესაც ტრადიციულად იწარმოება ადგილწარმოშობის დასახელების დვინოები.

მეთოდი. სტატიაზე მუშაობისას გამოვიყენეთ საველე მასალა კაბინეტური დამუშავების ეთნოლოგიურ მეცნიერებაში აპრობირებული მეთოდებით (შედარებით-ისტორიული, ტიპოლოგიური), რამაც საშუალება მოგვცა გამოგვევლინა საკლემი საკითხის განვითარების დინამიკა.

მსჯელობა. თელავის მოსახლეობის დაახლოებით 72% დასაქმებულია სოფლის მეურნეობის დარგში და წარმოდგენილი არიან, როგორც მცირე, ასევე საშუალო საოჯახო მეურნეობებით. თელავის მუნიციპალიტეტის სოფლის მეურნეობის საინფორმაციო სამსახურის მონაცემების მიხედვით კახეთის ვენახების 17% თელავის მუნიციპალიტეტშია (5493 ჰა), რომლის თანახმადაც კახეთის რაიონებს შორის გურჯაანისა და უვარლის შემდეგ მესამე ადგილი უკავია. ამასთანავე, როგორც მთელ კახეთში, ისე თელავის რაიონშიც შესამჩნევია ახალი ვენახების გაშენების სურვილი.

წინამდებარე სტატიაში ძირითადად შევეხებით მევენახეობის დარგში ბოლო დროს შექმნილ ძირითად პრობლემებს. 2016 წელს თელავის მუნიციპალიტეტში შეკრებილი ეთნოგრაფიული მასალის მიხედვით, კახელი მევენახების ერთ-ერთი ძირითადი პრობლემაა მოწეული მოსავლის გასაღება. ასე, მაგ:

„უკრძალებს უკვე აღარ იძარებენ ქარხნები და უჭირთ გასაღება. კაპიკებად იძარებენ. გლეხს რაც უჯდება ვენახის მოვლა იმასაც ვედარი იღებს. 2005 წელს რქაწითელს ლარად, საფერავებს ორ ლარად იძარებდნენ. ხალხი ხეხილს ჭრიდა და ვაზს აშენებდა. სულ საფერავის

ვენახები გააშენეს. მერე ლარზე ჩამოვიდა
საფერავი, მერე უფრო ნაკლებზე. რქაწითელ
ლარად იბარებდნენ, ახლა 40-35 ოქტომბერი“.

ვერმერთა საქმიანობა ისეთი ფაქტორების გამოც ფერხდება, როგორიცაა, — მოძველებული სასოფლო-სამეურნეო ტექნიკა, გადამამუშავებელი და სასაწყობე (სამაცივრე) ინფრასტრუქტურის სიმცირე, მიწების დანაწევრება და მისი სიშორე, ხშირად დასახლებული ადგილიდან ვენახის დაშორება ათობით კილომეტრით იზომება, განათლების დაბალი დონე, თანამედროვე აგროტექნოლოგიების არცოდნა:

„ბალახის შესაწამლი ქიმიკაზები რო შემოგდა არ ვიცოდით მოხმარების წესი, თურმე სანამ კვირტს გამოიტანდა ვენახი, სარეველა ბალახების წამალი მაშინ უნდა დაგვეხსხა. კვირტი რო გამოვა თურმე კვირტს აფუჭებს, ამიტომ მაშინ სუ გაგვიფუჭდა ვენახები.“

წინანდაალში ჩაწერილი მასალის მიხედვით:

„90-იან წლებში როცა ვენახები დარიგდა ძალიან ბევრი ვერ მიხედა და გაყიდა. მაგალითად ართანაში ჯივისის კომპანიას იციო რამებელი ზერები აქვთ. ეს ის ნაკვეთებია კოლმეურნეობის და შლის შემდეგ რომ დარიგდა, ველარ დამამუშავეს და გაყიდეს გლეხებმა. ვენახი სადაც ვიყიდე, ტრასიდან 8 კილომეტრია, რატომ გაყიდეს იციო? გვიჰირს ვერ ჩავდივართო, თუ ტრანსპორტი არ გავაგს 8 კილომეტრზე წახვიდე, იმუშაო, და მერე უკან წამოხვიდე, ძალიან როულია“.

იყალთოში ჩაწერილი მასალის მიხედვით მათთვის მიცემული ვენახები კიდევ უფრო შორს იყო:

მე მიწა მომცეს ალავერდთან. თერთმეტი კილომეტრია იქამდე. 32 რიგი ვენახი ქმნიდა. სამი წელი ზედიზედ სეტყვა მოვიდა ვერავერი ვერ ავიდეთ. ჩემი მეუღლე როცა ცოცხალი მყავდა ეს ვენახი იმდენად დაზიანდა იმ სეტყისგან რომ გავჩერეთ და მერე მოგვავდა ხორბალი. აქედან იქამდე იმხელია სასიარულო იყო, რომ ვაქტიურად აღარ დირდა, მოვებას არ იძლეოდა, ამიტომ მიწა გავყიდეთ, 1000 ლარი

**მოგვცეს ერთ პეტბარში. კოლექტივის დრო
იმიტომ იყო კარგი რომ ერთად მიღიოდნენ
მანქანით, ხალხი მიყავდათ და უკან მოყავდათ.“**

ცნობილია, რომ ვენახში ყურძნის დაკრევამდე სულ საქ-
მეა. რამდენჯერმე უნდა გაფურჩხა, დაკავება, ძირებს გამო-
თოხნა, სარეველა ბალახების მოცილება. პატარა ვენახს (25
მეტავედამდე) ერთი პაცი მოუცვლის მაგრამ დიდი ვენახის
მოსავლელად უკვე მუშის დაქირავებაა საჭირო, რაც ხარჯებს
ზრდის. დღეს, როგორც მთხოობელები გადმოგვცემენ, ვენახის
მოვლა თანდათანობით უფრო როულდება და ძირდება, არადა
როგორც ეთნოგრაფიული მასალიდან ჩანს, „ძველი დროის
ვენახი განსაკუთრებული მოვლის გარეშეც იძლეოდა მოსა-
ვალს. ვენახის მოვლის ეს სიმარტივე რამდენიმე წელიწადში
ერთხელ დაბარვასა, ყოველწლივ შეყვა-შესარვასა და
გათიბებაში მდგრმარეობდა“ (ბოჭორიშვილი, 1956: 15).

მიუხედავად სხვადასხვა სიმწელეებისა, დღეს ახალგაშენე-
ბული ვენახების რაოდენობა თანდათან იზრდება. ოვლაგის
მუნიციპალიტეტიდან აღებული ოფიციალური მონაცემების მი-
ხედვით 2014 წელს 2013 წელთან შედარებით ვენახების ფარ-
ობი 150 ჰექტრით გაიზარდა, რომელიც ყურძნის ჯიშების
მიხედვით ასე ნაწილდება 2013 წელს: რქაწითელი – 3132 ჰა;
საფერავი – 1959 ჰა; კახური მწვანე – 29,6 ჰა; ჰიბრიდი – 146 ჰა;
სხვა – 79,8 ჰა. 2014 წელს, ერთ წელიწადში ვენახების ზრდა
ჰექტრებში ასე გამოისახება: რქაწითელი – 3214 ჰა; საფერავი –
2007 ჰა; კახური მწვანე – 30,6 ჰა; ჰიბრიდი – 146 ჰა; სხვა – 95,8
ჰა. (თვითმმართველი ოქმი..., 26). აღნიშნული მონაცემები საველე
მასალებითაც დასტურდება, თუ ადრე თელავის სოფლებში მიწა
იაფად იყიდებოდა, დღეს აღარ ყიდიან და პირიქით, ზოგი
ახერხებს თავად იყიდოს, თუ ასეთი ნაკვეთი გამოჩნდება.
სოფელ გულგულის მკიდრი ბადურ კარჭაული გადმოგვცემს:

„ადრე იყიდებოდა მიწები ჩვენს სოფელში,
ეხლა აღარ, ვენახებს აშენებს ხალხი უკვე რაც
ეს სამწლიანი პროგრამა (ვაჟერებს გულისხ-
მობს მ.ბ.) ამუშავდა, გაუადგილდა ხალხს მიწის
დამუშავება.“

მსგავსი პროცესები ვითარდება თითქმის ყველა სოფელში,
მაგ; სოფელ აკურის ეთნოგრაფიული მასალის მიხედვით:

„ჩვენს სოფელში არიან ოჯახები 5-10-15-20 ჰა
და მეტი მიწა რომ აქვთ. ზოგი სახელმწიფოსგან

აქვთ გამოხყიდული იჯარით რომ პქონდათ აღებული ის, ზოგი მეზობლებისგან შეიძინეს, ზოგმა გაყიდა მიწა, მე პირადად 10 პეტარი მიწა ვიყიდვ, მაგრამ მერე გავყიდვ, გაჭირვების გამო. 4 პეტარზე მქონდა საფერავი ჩაყრილი, 2004 წელში იძღვნად გავუჭდა საქმე, რომ კურძენს ფასი დაგვარგა, ბაზარი აღარ იყო, ამ იყიდებოდა, მუშის ფულსაც გერ ვიღებდით, ამიტომ ჯერ გაგვაგე ვაზი მერე გავყიდვ მიწა. ებლა მაქს ცოტა ჩემი სამყოფი“.

მუნიციპალიტეტში მრავალი მცირე, საშუალო და მსხვილი მეგენახეა და ძირითადი ფართობები საოჯახო მეურნეობების საკუთრებაშია, აგრეთვე მნიშვნელოვანი წილი უკავია მსხვილი კომერციული დვინის ქარხნების საკუთრებაში არსებულ ვენახებს, რომელთა ფართობები ყოველწლიურად იზრდება, შედარებით მსხვილი ფართობის მესაკუთრე, რომელიც 1 პეტარ ვენახს ფლობს, 605 ვერმერია (თვითმმართველი თემი... 27). როგორც ეთნოგრაფიული მასალიდან ჩანს, დღეს კახეთის სოფლებში კაპიტალისტური მეურნეობისათვის დამახასიათებელი ჩვეულებრივი პროცესი მიმდინარეობს, სოფლის ზოგიერთი მაცხოვრებელი სხვადასხვა მიზეზის გამო ყიდის მიწას, ზოგი კი ყიდულობს.

„მე ვიყიდვ ებლა გაშენებული ვენახი ნახევარი პეტარი 10 000 ლარად. წინა ვენახი უფრო იაფად ვიყიდვ სამიათას ლარად 50 მეტედო. ებლა ხალხი ცდილობს მაიც ახალი ვენახის გაშენებას. ძირითადად რქაწითელს აშენებენ. ღირებულება საფერავს აქს უფრო მაღალი, მაგრამ მოსავლელად უფრო რთულია. წინანდალში მაგალითად 60-40-ზე აქვთ საფერავი და რქაწითელი. საფერავი საქმაოდ ბევრი აქვთ“.

ახალი ვენახების გაშენებაც თითქმის ყველა სოფელში მიმდინარეობს. სოფელ შალაურში –

„ვენახს აშენებენ უფრო აღაზნისპირას. სოფელს აღიღლები სოფლის ბოლოში აქვთ. ზოგი სარწყავია, ზოგი ურწყავი. აღაზნის იქით (მარცხენა მხარე მ. ბ.) სარწყავია. ურწყავი უკრძნიდან გამოდის მაღალხარისხის გადაღხარისხის დაცვით.

ქვიშიანი ნიადაგიდან საუკეთესო შაქრიანობის
უკრძანი გამოდის“.

იყალთოში ჩაწერილი მასალის მიხედვითაც ხალხი კვლავ
მიუბრუნდა ახალი ვენახების გაშენებას:

„იხევ შენდება ვენახები. ერთი პერიოდი როცა
აღარ იყო შემოსავლიანი მაზის აღარ აქცევდა
ხალხი კურადღებას ვენახებს, ახლა იცით გა-
შენდა ჰექტრები. მაგრამ რადა დროს. ის ვენა-
ხები, დაუმუშავებელი რომ რჩებოდათ შეისე-
დეს ბიზნესებებმა და ახლა სოფლის ახალ-
გაზრდები მათთან მუშაობებ. მით არიან ძირი-
თადად დასაქმებულნი.“

კახური მრავალრიცხოვანი ვაზის ჯიშებიდან დღეს მხოლოდ
რამდენიმე ფართოდ გავრცელებული. ცხობილია, როგორც ივ.
ჯავახიშვილი წერს, მისთვის „კახური ყურძნის ჯიშების 69
სახელმწოდებიანი სია გადაუციათ (ჯავახიშვილი, 1986: 417).
თუმცა „ბუნებრივია ყველას ერთნაირი ეკონომიკური მნიშვნე-
ლობა არ ჰქონდა, და დღესაც არა აქვს, სოფლის ეკონომიკურ
განვითარებაში. რაც უფრო დიდ მანძილზე და ფართოდ იყო და
არის ესა თუ ის ჯიში გავრცელებული საქართველოში, მით
უფრო მეტი მნიშვნელობა ჰქონია ქვეყნის მევენახობა-მედვი-
ნეობისათვის, მით უფრო მაღალი ღირსების მქონე ყოფილა“
(ჯავახიშვილი, 1986: 598). სამრეწველო დანიშნულებამ რქაწი-
თელი და საფერავი გააბატონა ყველგან, მცირე რაოდენობითაა
კახური მწვანე და ქისი. აღნიშნული ტენდენცია ახალი არ არის,
ქართული (კახური) ვაზის ჯიშების გადაშენებას ხელი შეუწყო
ჯერ კიდევ საბჭოთა კავშირის დროს სამრეწველო ვაზის
ჯიშებზე ორიენტაციის აღებამ. 70-იან წლებში საქართველოში
ჩატარებული ღონისძიების შედეგად კიდევ უფრო შემცირდა იმ
ჯიშების რაოდენობა, რომლებიც მევენახეებს უნდა გაეშე-
ნებინათ. „ქართული ღირსების სარისხის გაუმჯობესების მიზ-
ნით რესპუბლიკაში ფართოდ გავრცელებული 50 სამრეწველო
ჯიშიდან ამჟამად შერჩეულია ყველაზე უფრო ძვირფასი 16
ჯიშის ვაზი. ეს ჯიშებია: რქაწითელი, ცოლიკაური, ციცქა,
საფერავი, მწვანე, ჩინური, ალექსანდროული, ოჯალეში, ჩხა-
ვერი, კრახუნა, უსახელაური და სხვ.“ (კახეთელიძე, 1972: 51).

აღნიშნულ პროცესს უფრო დიდი ხნის ისტორია აქვს,
როგორც ეთნოლოგი ა. ლეგიაშვილი წერს: „ქართული ვაზის
გადაშენებას მეცხრამეტე საუკუნის მეორე ნახევრიდან დგინდის

სასაქონლო პროდუქტად გადაქცევის ინტენსიურმა პროცესმაც შეუწყო ხელი. „ვაჭრულმა ანგარიშმა“ მევნენახის თვალში ზოგ ჯიშს ღირსება შემატა, ზოგი კი პირიქით, გააუფასურა. მაღალი ღირსების, მაგრამ მცირემოსავლიანმა ჯიშებმა, აგრეთვე სამაჭრე და საჭმელმა ვაზ-ყურძენმა, უხევოსავლიან საღვინე ჯიშებს დაუთმეს თანდათან ასპარეზი“ (ლეკიაშვილი, 1976. 47).

საინტერესო მასალა აქვს ჩაწერილი ოელაგის რეგიონში გავრცელებული ვაზის ჯიშების შესახებ ეთნოლოგ ჸ. რუხაძეს 1954 წელს, სოფელ იყალთოში 112 წლის მთხოვნელის, ალექსი სამხარაულისაგან, – „წინათ ღვინის მოსავალი უფრო მეტი იყო ვიდრე პურისა. მწვანე იყო, რქაწითელი, ბუდეშური, ხარი თვალა, მცვივანი, შავი ყურძენი – ქლირა, ადრეული ყურძენი იყო. საფერავი ორნაირია, პირველი საფერავი და მეორე ქლირა – ცოტა რიჟა არი“ (რუხაძე, 2015: 154). ი. ნანობაშვილის ცნობით, XX ს-ის 60-იანი წლებისათვის კახეთში (ქიზიუში) ვაზის შემდეგი ჯიშებია დაფიქსირებული: ბეჭანური, ბურა, გუდაშური (იგოვე ბუდეშური), დათვიყურძენი, დონდდლო, თავისერი, თითა, თოდანო, კუმში, ლექური, მცვივანა, მწვანე, მწვანერქაწითელი, მჭკნარა, მხარგრძელა, ობაყლური (იგივე ობაყალო), ორჯონიქიძე, ოქროულა, ქდია, რქაწითელი, საფერავი, საბატონო, სვიმონა, ტყლაბუნა (იგივე ტყაბუნა), ფრანგულა, ქიშმიში, ქიწნურა, შავი-ვაზი, ჩიტისთვალა, ძაღლიარჭამა, წვრილი საფერავი, ხარისთვალა და ხიხი (ნანობაშვილი, 1960: 37-38).

ზოგადად კახეთში „საღვინე ყურძენთა შორის საფერავს, რქაწითელსა და მწვანეს პირველი ადგილი უჭირავს. შავი ფერის ყურძენში საფერავი მეფობს და თეთრ ყურძენში კი რქაწითელი და მწვანე ეცილებიან ერთმანეთს პირველობას. ზოგი მწვანეს ანიჭებს უპირატესობას, მაგრამ ჩანს, რომ რქაწითელს მაინც ვერ უტოლდება. გამძლეობის უნარი და სიცოცხლის ხანგრძლიობა რქაწითელს ყველაზე მეტი გააჩნია“ (ბოჭორიშვილი, 1956: 9).

ჩვენს მიერ ჩაწერილი მასალის მიხედვით კი დღეს კახეთში ვაზის ძირითადი ჯიშებია:

„საფერავი, რქაწითელი, ქიხი, მწვანე, ხიხი,
აღეხა, სუფრის ჯიშის – მხევილმარცვალა.
ყველაზე მეტი ფართობი რქაწითელს და საფერავს უჭირავს. ქიხი საუკეთესო ჯიშია. საქართველოში ორ სოფელში მოდის ქიხი, მაღრანში

კულტურობ ხოლმე. ძველი ქართული ჯიშია. მაღრანში და არგობშია მარტო. ახმეტის რაიონია. ალგანთან ახლოს არის. მწვანეს დიდი ფართობები არ უკირავს, შერეულია რქაწითელთან. მწვანეს ხშირად ცალკე წურავები. უფრო მაღალი ხარისხის ლინიტო გამოდის. რქაწითელი უფრო უძლებელი უამინდობას, მწვანე უცრო ცოტა მოსავლიანია.“

XX ს-ის შუასანებისთვის კახეთში „სამოცდაათამდე უურმნის სახეობა დაითვლება. მათ შორის მთავარია საფერავი, რქაწითელი, მწვანე, შავგაპიტო, ჯანაანურა ანუ ხიხვი, მცვივანი, შავურმენი, ჟლია, თავკვერი, წობენური, ბუდეშური, თითა, კუმსი, ხარისთვალია, უწიაწო უურძენი, საკმელის უურძენი....“ (ლეგიაშვილი, 1976. 48).

კახელები თვლიან, რომ კახეთის ენდემური ჯიშია რქაწითელი, რომელიც არის:

„ახელი კაციეთ ძელგარი, ყინვას უძლებს კარგად, სიცხესაც უძლებს. საფერავი ცოტა როული მოხავლელია, მანავის მწვანეს დიდი სიცხის დროს უჭირება ფოთოლი, ანუ ნაკლებად ამტანია სიცხის. მოვლა იგივე სჭირდება რაც რქაწითელს განსხვავებით საფერავისგან, მაგალითად რქაწითელი რომ მოგწამდე რვაჯერ საფერავს შეიძლება 12-ჯერ უნდა მოწამვლა.“

შავ უურძენია შორის საფერავი „თავი უურძენია“, ოეთრ უურძენია შორის კი რქაწითელი მწვანესთან ერთად უურმნის საუკეთესო ჯიშია.

„დაჭოროვლიდი რქაწითელი და ლურჯი საფერავი! ალაზნის ველისა და ციგვომბორის მზვარების ამ ორმა მკვიდრმა ყველაზე მეტად ასახელა ქართული დვინოები. რქაწითელი მსოფლიოს თეთრუერმნიანი ვაზების რჩეულს ამშვენებს, საფერავი კი წითელყურძნიან ჯიშებს ეცილება პირველობას“ (ლეგიაშვილი, 1976. 49). ახალი ვენახის გაშენება ძალიან ძვირი ჯდება და როგორც გადმოგცემენ გლეხს ამის საშუალება ნაკლებად აქვს. მაგრამ მიუხედავად სიძვირისა, მაინც მიმდინარეობს ვენახების გაშენება, რადგან:

„ახალი გაზის გაშენება პერსპექტიული გახდა ერთი ჰექტარი გენახის გაშენება 15 ათას ლარამდე ჯდება, ბუნებრივია გლეხს ამის

საშუალება ნაკლებად აქვს. გენახს ბაგშვილით
უნდა მოუარო, ბალახი არ უნდა მიაკარო, გარდა
ამისა მოხვნა სჭირდება, ყოველ წელს, კულ-
ტივაცია სჭირდება, სარი სჭირდება, მავთული,
მუშა ხელი, ათასი რაღაც სჭირდება. ვაზის
ნერგიც საკმაოდ ძირით ლარნახევარი, ორი
ლარი რქაწითელის ნამყენი ღირს. შეიძლება 50
თუთრიანიც იშოგნო მაგრამ არ ვარგა, შეიძლება
100-დან 50-მა არ იხაროს, მირჩვნია 1,50 ან 2
ლარი მიუვც და ვიცოდე ორწლიანია და ნამდ-
ვილად იხეირებს, და მეორე წელს უკვე ნიშანს
მომცემს.“

დღესდღეობით ნამყენის გაპეტება შემოსავლიანი ხელობა
გახდა, რადგან ვენახების გაშენება მიმდინარეობს. წინანდალში,
კონდოლში სანერგე მეურნეობები აქვთ კერძო პირებს,
გლეხებს, რომლებმაც იციან ვაზის ნამყენის გაპეტება. ძირი-
თაღად რქაწითელისა და საფერავის ნამყენებს აკეთებენ.

ზემოაღნიშნული სიძნელეების მიუხედავად ზოგიერთ სო-
ფელში (მაგ: ვარდისუბანი) საკმაოდ ბევრი ფერმერია 3-4-5-6
ჰექტარი ვენახის მფლობელი, ზოგს 10 ჰექტარიც აქვს, და კიდევ
აშენებს ახალ ვენახს. ერთმა ვარდისუბნელმა ფერმერმა
„შარშახ 42 ტონა ყურძენი ჩააბარა“—ო, გადმოგვცემენ თანა-
სოფლელები. კოლმეურნეობის დროს სოფელ ვარდისუბანს 500
ჰექტარი მოსავლიანი ვენახი ჰქონია. ბოლო წლებში კი სო-
ფელში ქართული დვინისა და ალკოჰოლური სასმელების კომ-
პანია „ჯივიესმა“ შეიძინა 104 ჰექტარი მიწა და გააშენა ახალი
ვენახი.

სოფელ ვარდისუბანში ვერ დავადასტურეთ ვენახების
გაჩეხვის ფაქტი, იუკადრისებს კიდევ:

„სოფელში ვენახების გაჩეხვას ვერ და-
გარქმებ უფრო ამოვარდნა ხდებოდა მოუკლე-
ლობით. გაჩეხება სხვაა და ამოვარდნა სხვა,
როცა რამდენიმე წელიწადი არ გაისხვლება, არ
მოიხენება თვითონებები ნადგურდება. მოსავალს
იძლევა უფრო და უფრო ნაკლებს, და ბოლოს
სულ ვუჭდება.“

„90-იან წლებში იყო პერიოდი რომ ჩეხავდნენ
ვენახსთ ამბობდნენ, მაგრამ მე ნამდვილად ვიცი
თელავში ნაჯახი არ დაუდიათ ვაზითვის.“

**გაიჩება და საზამთრო დაითხესა მე ასეთი რამე
არ მახსოვება – უარყოფენ ინფორმაციორები.**

უნდა აღინიშნოს ისიც, რომ თელავში არსებული ვენახების 50-60% საბჭოთა პერიოდშია გაშენებული და ოფიციალური მონაცემებითაც ვაზის ძველ ნარგაობებში დიდია მეჩხერიანობა, რის გამოც დაბალია საჰექტარო მოსავლიანობა და ყურძნის ხარისხი (თვითმართველი თემი.... 27-28), მიწების დარიგების დროს ასეთი ვენახები დიდი შენაძენი ვერ იქნებოდა გლეხებისთვის. მიწების დაუმუშავევლად დატოვებისა და გაყიდვის ერთ-ერთ ძირითად მიზეზად, როგორც უკვე აღვნიშნეთ, სახელ-დება სამეურნეო სავარგულების სიშორე სოფლიდან და ტრანსპორტის უქონლობა. ეთნოგრაფიული მასალის მიხედვით თელავის რაიონის ბევრ სოფელს ვენახები ძალიან შორსა აქვთ (8-10-12კმ). მთხოვნებელი გადმოგვცემენ, რომ საბჭოთა პერიოდში, კოლმეურნეობების დროს გაკეთდა ვენახებამდე მისასვლელი გზები, რომლებიც დღესაც მოქმედებს, მაგრამ დიდი ხანია აღარ შეკეთებულა.

„პირველი რასაც ვერ დაგუარგავთ კომუნისტებს ისაა, რომ ჯერ კიდევ ვუნდციონირებს მაშინ გაკეთებული ვენახებამდე მისასვლელი გზები. ასფალტირებული არ არის, მაგრამ მაინც ვარგისი გზებია. აი სიშორებ გამოიწვია კიდევ მიწების მიტოვება. სოფლიდან 12 კოლომეტრზე გვაქვს სახნავ-სათეხი მიწები, ალა ზანთან არის სადღაც 150 ჰექტარი, რომელიც განაწილდა მაშინ გლეხებზე. ფიზიკურად ძალიან გაჭირვება იყო, ვერ ჩადიოდნენ დახამუშავებლად და იმ პერიოდისთვის ძირითადი ტრანსპორტი იყო ცხენის ტაჭა და თუ კინგეს მანქანა ჰყავდა, ის ადგილები გაიყიდა უკვლაზე მეტად.“

ეთნოგრაფიული ლიტერატურიდან ცნობილია, რომ ადმოსავლეთ საქართველოში სამოსახლო ადგილისა და სამეურნეო მიწების ხარისხი განსხვავებული იყო, დასასახლებლად ნაკლებმოსავლიან ადგილებს ირჩევდნენ, ამის გამო სამეურნეო სავარგულები სოფლებიდან საკმაოდ დაშორებულია. ამის ნათელი დასტურია ის, რომ თელავის რ-ში სოფლებთან ახლოს ვენახი ნაკლებ მოსავალს იძლევა. სოფელ ვარდისუბნის მონაცემებით, თუ ყურძნის საჰექტარო მოსავლიანობა სოფლის ვენახების ზოლში არის 14 ტონა, სოფელთან ახლოს, ეზოში

ვისაც აქვს, შეიძლება მოიყვანოს 2 ტონა, საუკეთესო შემთხვევაში – 7 ტონამდე.

„სოფლის მიწები და იქაური მიწები ძალიან განსხვავდება ერთმანეთისგან. ამის გამო მოხდა დასახლება აქ. მწირ მიწიანზე დასახლდნენ და უხვმოსავლიანი ადგილები შემოიხახეს სახნაგათათებად.“

როგორც ეთნოლოგი ლ. ბოჭორიშვილი წერს, კახელმა მევენახემ ისიც კარგად იცოდა, თუ მისი სოფლის რომელი ადგილი რა ღირსების ღვინოს იძლევოდა; კარგი ღვინის მომცვემი ვენახები, მეტ-ნაკლები სიკარგით ერთმანეთისაგან განსხვავებული, თითქმის ყველა სოფელში მოიპოვებოდა. ზოგი მათგანის, როგორც, მაგ; ახმეტის რის სოფ. ბითაანის, ყვარლის რის ქინძმარაულისა და სხვა მათი მსგავსი ადგილების სიკეთე კახეთის სხვა სოფლებისთვის კარგად იყო ცნობილი. ზოგიერთის სახელგანთქმულობა კი, როგორც ვიციო, შორეულ მხარეებამდეც იყო მისული (აქ მხედველობაში გვაქვს წინანდლის, ნაფარეულის, მუკუზნისა და კარდენახის მამულები) (ბოჭორიშვილი, 1956: 20). თუმცა ისიც ცნობილია, რომ მევენახეს „7-8 წელიწადში ერთხელ მაინც უნდა შეეჩანა ვენახში სასუქი, ზოგი კი, როგორც ეტყობა, ვენახს ყოველწლივ აპატივებდა, „ძველი ვენახები სასუქით იყო განიყიერებულიო“ – გადმოგცემები მთხოობელები. სასუქის დაყრა შემოდგომაზე, ზამთარში და გაზაფხულზეც (კვირტის გამოსვლამდე) ხდებოდა. ზამთარში დაყრილს უპირატესობას ანიჭებდნენ“ (ბოჭორიშვილი, 1956: 13).

უკრძნის ჩაბარების სიძნელე და დაბალი ფასი გლეხების უკმაყოფილებას იწვევს, უჩენს არასტაბილურობის განცდას და ცდილობს გამოსავალი იპოვოს, მაგრამ ჯერჯერობით შედეგი სახარბიერო არ არის:

„სოფელში (გარდისუბანი) ყურძნის მოსავალი იყო ძალიან კარგი. მაგრამ მოსახლეობა უკავშირილო იყო რაღაც წინა წელთან შედარებით 20-25 თვეთრით ნაკლები მისცეს. 700 ტონამდე ავედით წელს ყურძნის მოსავლით, „ჯივიესის“ მიერ მოწეულ მოსავალთან ერთად. მარტო სოფლის იყო სადღაც 300 ტონამდე, ძველის ღვინო სამი წლის აქვს აგერ აქვთ მცხოვრებს, უნდა როგორმე ჩამოხმას მიაღწიოს. ძალიან

უჭიანურდება საქმე. დღევანდელით პირობებით
გლეხებს ურჩევნიათ თეითონ დაწურონ და
გადაამუშაონ, ტექნოლოგიაც იციან, მიხედვაც
და ჭურჭელიც აქვთ, მაგრამ ჭირს მერე მისი
რეალიზაცია. ვიცი თჯახები, რომელებსაც 3-4
ტონა დაზინო აქვთ სახლში. და ვერ გაუყიდია,
იმიტომ რომ უძნელდება გასაღების ბაზრის
ნახვა“.

ვარდისუბნელებისაგან განსხვავებით რუისპირელები აღია-
რებენ, რომ ვენახების გაჩეხვას ადგილი ჰქონდა:

„მძიმე პერიოდში გაჩეხეს ვენახი და ატამი
ჩაყარეს. უურძნის ფასი შარშანდელთან შედარე-
ბით განახვრდა. პექტარზე ჩვენთან დაახ-
ლოებით 15 ტონა უურძნი მოდის, შეიძლება
მეტიც მოვლაზე დამოკიდებული. მიწა სავა-
ნახვთ კარგია. რუისპირის მიწები ძალიან კარგი
მიწებია. სოფლის პრობლემა სარწყავის უქონ-
ლობაა. მიღები ბოლომდე არ ჩადის. ვენა-
ხისთვის კარგია თუ მორწყავ. წელს ძალიან
გვაღვია იყო თუ არ მოვრწყავდით გახმებოდა
ვაზი“.

როგორც ზემოთ აღვნიშნეთ, თელავის რაიონში ძირითადი
მიკროზონებია ნაფარეული და წინანდალი, სადაც ყურძნი
უფრო მაღალი ხარისხის მოდის და დაზინოებიც საუკეთესოა.
მთხოვთ გადმოცემით, ყველა სოფელში მისდევენ მევე-
ნახეობას, მაგრამ:

„წინანდალი, და ნაფარეული დაზინით არიან
გათხმული. მიკროზონაა წინანდალი. სოფელ
აკურიდან იწყება თელავის მუნიციპალიტეტი და
აკურის შემდეგ რაც სოფლებია ბუშეტი, ვანთა,
თვითონ წინანდალი, ნასამხრალი, შალაური
ეგენი ყველა მისდევებ მევენახეობას, მაგრამ ყვე-
ლაზე გათხმული არის წინანდალი, მიკროზონა
გახლავთ“.

ცნობილია, რომ წინანდლის დაზინის პოპულარიზაციაში
დიდი წვლილი მიუძღვის ალ. ჭავჭავაძეს:

„ალექსანდრემ გააშენა ზერები და კვრო-
პულად დაზინის დაუკუნებას ჭავჭავაძემ ჩაუყარა

საფუძველი. პარალელურად ჭავჭავაძეებს მამულები პქონდათ ხანგარდოში, ეხლა სადაც ხავარეულის სკოლაა ეს იყო ჩოლოვაშვილების ტერიტორია მერე ჭავჭავაძეებს გადასცეს, მანდპქონდათ ხანგარდოს მამულები და იქც მოპუავდათ უკრძენი.

ამასთანავე სოფელ წინანდლის მთელი ვენახები კი არ იგულისხმება მიკროზონაში, არამედ მხოლოდ მისი ნაწილი:

„წინანდლის მიკროზონის ვენახები ზემოთ არის. ვენახები ალექსანდრე ჭავჭავაძეს პქონდა სოფლის თავში, მუხიანს ეძახიან. სოფელი ზემოთ იყო გაშენებული, ტრასაზე მოგვიანებით ჩამოვიდნენ, როდესაც რკინიგზა გააკეთებ კახეთში აი მაშინ ჩამოსახლდნენ ქვემოთ. ახლა რომელი ვენახიც ვიყიდე აღაზანთან არის. აღაზანთან მიკროზონა არასრულო და არც იქნება. აღაზანთან მიწას სავენახედ არ გამოიყენებდნენ, ეს იყო ხათუშო გზა, აღაზნის ჭალები, ხადაც ცხვარს გადარევავდნენ შირაჭში, ზამთრის საძოვრებზე. იქ აზამთრებდნენ და ზაფხულში მოყავდათ თუშეთში. ეს გზა აქვთ ცხვარს დღესაც. ამიტომ ვენახებს ქვემოთ არ აშენებდნენ. კომუნისტებმა დაიწყეს გვიან აღაზისაირზე ვენახების გაშენება.“

როგორც უკვე აღნიშნეთ, თელავის რაიონში მევენახეობით განთქმული მეორე სოფელია ნაფარეული, ცნობილი აღილ-წარმოშობის დვინის, „ნაფარეულის“ სამშობლო. სოფელში იყო საბჭოთა ხელისუფლების დროს აშენებული დიდი დვინის ქარხანა, რომელიც დღეს გაჩანაგებულია. სოფლელები იმედოვნებენ, რომ მას ოდესმე გაუკეთდება რეაბილიტაცია და ამჟაჲავდება. საუკეთესო დვინის დაყენების ტრადიცია ნაფარეულში დღესაც გრძელდება. სოფელში ეხლა არის ორი დვინის ქარხანა. – ე.წ. „ტყუპების საღვინე სახლი“ და შეს „მარანი“, რაც სრულიად აგმაყოფილებს სოფლის დღევანდელ მოთხოვნებს, ყურძნის ჩაბარების პრობლემა სოფელს არა აქვს. მაგრამ აქაც ყურძნის ჩაბარების მცირე საფასური იწვევს წვრილ ფერმერთა უპმაყოფილებას, რადგან ვენახის დამუშავება ყოველწლიურად ძვირდება, ყურძნის ჩაბარების ფასი კი კლებულობს. ნაფარეულში ძირითადად რქაწითელი, მწვანე და

საფერავია გაშენებული. ნაფარეულის ცნობილი დვინის დასა-
ყენებელი ყურძენი მთელ სოფლის ტერიტორიაზე მოდის,
წინანდლისაგან განსხვავებით ზონებად არ არის დაყოფილი.
რქაწითელიც და შავიც თანაბარი რაოდენობით არის გაშე-
ნებული, საოჯახოდ სუფრის ყურძენიც მოყავთ. სოფლის მაც-
ხოვრებლები თვლიან, რომ თვითონ უნდა მიხედოს კველაშ
თავის თავს, მაგრამ მთავრობისაგანაც მოითხოვებ მეტ
ყურადღებას ყურძნის გასაღებასა და ფასის გაზრდაში.

„ტყების მარანი“ რომ არის აქვე, მაგათ
თავიანთი გენახები აქვთ, ერთს 2 ჰექტარი,
მეორესაც 5 ჰექტარამდე, ტყები ძმები არიან,
აქაურები, გია და გელა გამტკიცულაშვილები.
„დვინის შპს მარანი“, იაგო და გია ხორუაშ-
ვილებისაა, მათ 38 ჰექტარამდე გენახი აქვთ..
სოფელი უხვიწიანია, და მიწების განაწილების
დროს დარჩა ხარეზერვო მიწები, რომლებიც
სამწუხაროდ გაიყიდა და ეხლა აღარ გვაძხს.
უცხოელებზე არა, მიწის მყიდველები საქართ-
ველოს მოქალაქეები არიან. საჟექტარო მოხავ-
ლიანობა მაღალია 15 ტონა მოდის ერთ ჰექ-
ტარზე. ხელყვა იცის ხშირად, ისეთი ადგილე-
ბიცაა, სადაც ყოველწლიურად ისეტყვება. მაინც
უვლიან, ბოლო დროს აზღვევებ გენახებს.“

„ტყების“ მარნის მფლობელებისაგან ჩაწერილი მასა-
ლიდან ჩანს, რომ მათი სურვილია დვინის ქვევრში დაყენების
კახური ტრადიცია ააღორმინონ. მათ შექმნეს საკუთარი მრა-
ვალპროცესიანი ფერმერული მეურნეობა და ჩაერთვნენ
საოჯახო ტურისტულ ბიზნესში.

„ჩვენი მარანი ცნობილია „ტყების“ სა-
ხლით, გვარად გამტკიცულაშვილები ვართ.
ჩვენ შევძლით ძევლი, პაპისეული მარნის აღდ-
გენა. ჩვენი გენახები გვქონდა დაახლოებით 5
ჰექტარი, ჩვენ გვინდოვა ჩვენი გენახის ყურძენი
კი არ შეგვებანა ქარხანაში, არამედ ჩვენ თვითონ
გადაგვემუშავებინა და ჩვენ თვითონ
მიგვეცა სასაქონლო სახე. გვინდოვა მოხვედ-
რილიყო ჩვენი დასახულებით თაროზე როგორც
ეს ხდება მხოლოდ ცივილიზებულ ქვეწებში.
მაგრამ ჩვენ გაგიძნელდღია ამის გაკეთება, არ

გვეუფიდა განათლება. ამიტომ 2002 წელს
ჩავაბარეთ ჩხარტიშვილის მეცნახობა-მედიკი-
ნეობის ინსტიტუტში, კისტავლეთ სამი წელი-
წადი, დაგამთავრეთ, მივიღეთ განათლება
მეცნახობა-მედიკინითაში. პარალელურ რეზიტ-
ში ჩვენ ვაშენებდით ვენახებს, ვაკეთებდით
ლინიოს უკვე 2004 წელს ჩვენ ეს მამაპაპისეული
მარანი აღვადგინეთ და უკვე 2005 წელს
ჩამოგასხით 2004 წლის ქვევრის ლინო 5000
ბოთლი და კველა ბოთლი დავნომრეთ. ეს ის
პერიოდია, როდესაც რუსეთის ბაზარი გახსნი-
ლია და კველაფერი გადის რუსეთში. მანამ
დაკეტავდნენ. საქართველოს უახლეს ისტო-
რიაში, ქვევრის ლინო პირველად ჩვენ ჩამო-
გასხით ბოთლიში. სამწუხაროდ იმ 5000 ბოთ-
ლიდან მხოლოდ 10 ბოთლიდა მაქს შემორ-
ჩენილი. შეძლვოთ გადაგზების რომ მხოლოდ
ქვევრის ლინო ჩამოგვეხსა. მაგრამ წაგაწყით,
წინააღმდეგობას. ჩვენ მამაპაპეულ რამოდენიმე
ქვევრში გვიძებელდებოდა ლინის დაუკენება“.

ბოლოს მათ მიაგნეს გამოსავალს, გაუქმებული წნორის
ლინის ქარხნიდან გადმოზიდეს ქვევრები და დღეს მათ მარანში
90 ქვევრია სადაც 400 ტონამდე ლინო ჩადის.

ბუნებრივია, დიდი ვენახის მარტო დამუშავება საკუთარი
ძალებით შეუძლებელია აუცილებელია მუშის დაქირავება, რაც
ვენახის მოვლის ხარჯებს კიდევ უფრო ზრდის:

„ამარა ვენახი მაქს 25 მეტასი, მე თვითონ
გამუშავებ, მსიამოვნებს კიდეც, მაგრამ ნახევარ
ჰექტარს ნამდვილად ვერ მოვუვლი, ფიზიკურად
შეუძლებელია. მე უკვე გათვლილი მაქს, რომ
ეს მუშაბ უნდა გააქეთოს. მუშით დამუშავების
შემთხვევაში რეალურად მაიც რჩება მოგება“.

აღნიშნული მეცნახე გადმოგვცემს რა ჯდება 25 მეტასი
ვენახის მოვლა:

„მე არ მომიწამლია, შევაწამლინე რვაჯერ,
ხელით შეწამვლაში ვაძლევდი 30 ლარს. 240
ლარი პლიუს ერთი მაგდენი წამალი ვიყიდვა.
მარტო შეწამვლა დაახლოებით 500 ლარი დაჯ-
და. ერთი გაფურჩხა მე და ჩემთა შეუძლებ

ჩავატარეთ. მეორე გაფურჩქნას კელარ გასწრებდით და ქალები დავიხმარე 50 ლარი გადაგუხადე, სადღაც ტრანსპორტირებაც რომ ვიანგარიშო დაახლოებით 600 ლარი დაგხარჯე. უხეში დაანგარიშებით 650 ლარი ვიანგარიშოთ. დაგვრივე ორი ტონა და შვიდასი, ამ ორი ტონა და შვიდასიდან ტონა 450 ჩავაბარე და გადამიხადეს 1200 ლარი პლიუს სახლში დავწურე რვაასი კილო ყურძენი, მივიღე 400 ლიტრი ლვინო. პლიუს 45 ლიტრი არაყი გამოვიდა. 100 ჩურჩხელა გაავლეს და კიდევ ბადაგი შევინახე. რა თქმა უნდა ვენახი ეკონომიკურად მომგებიანია“.

მისივე გამოთვლით ვენახის ყველა სამუშაო რომ მუშით გააკეთო ერთი ვაზის მოვლა ჯდება დაახლოებით 35 თეთრი, ამ დროს ერთმა ვაზმა დაახლოებით 3-4 კილოგრამი ყურძენი მაინც უნდა მოსხას.. კარგია, როდესაც ლარი ლირს, მაგრამ ყურძენში 70 თეთრი ცოტა არის.

დიდ ვენახებს კახეთში ყოველთვის მუშით ამუშავებდნენ. ცნობილია, რომ „რევოლუციამდელ პერძო მესაქოურულ მევენახეობაში ბარვის, თოხნისა და სხვა სამუშაოების შესასრულებლად დიდი ადგილი პქონდა დათმობილი დაქირავებული შრომის გამოყენებას. ქალებისა და ქაცების დაქირავების ამ წესს მევენახეობაში „დღიური“ ეწოდებოდა (ნანობაშვილი, 1960: 25).

ეთნოგრაფიული მასალიდან ჩანს, რომ მევენახის შემოსავალი მთლიანად ყურძნის ჩასაბარებელ ფასზეა დამოკიდებული და, შესაბამისად, ვენახის ბეჭის:

„ერთი პერიოდი საფერავი გააშენეს ხორგორი მოთხოვნილება იყო, მერე ვახი დაუცა, ვიცი ადამიანები ხუთ პექტარზე გაკაფეს და თხილი ჩაუკრეს. ეხლა საფერავმა მოიმატა ფახი. ნანობენ, რად გავაკეთოთ ახეთ.“

გლეხები ოვლიან და სამართლიანადაც, რომ გრძელვადიან პერსპექტივა შეიძლება გათვალის იმან,

„ვისაც 100 პექტარი მიწა აქვს და ყოველ შემთხვევისათვის ერთ 10 პექტარს ვაზსაც გააშენებს, იცის რომ ყოველწლიური შემოსავალი სხვა კულტურიდან ექნება. მცირემიწიანი გლეხი ცოტა ცოდოა..“

სოფლის მეურნეობის დარგში ჩახედული სპეციალისტების აზრით, მევენახეობა-მედვინეობის დარგში არსებული პრობლემების მოგვარების საუკეთესო გზა იქნება ფერმერთა გაერთიანება კოოპერატივების გზით, მაგრამ ეთნოგრაფიული მასალი-დან ჩანს კოოპერატივების მიმართ ხალხს ნაკლები ნდობა აქვს, ურჩევნია დამოუკიდებლად დაამუშაოს მიწა, თავის საქმე თვითონ მართოს, ვიდრე სხვასთან შეამსახავდეს. ხალხი კოოპერატივს არ ენდობა, ეშინია, არ უნდათ, კოლექტივის ანალოგი ჰგონიათ, როგორც სოფლის ადგილობრივი მმართველობის წარმომადგენლები გადმოგვცემენ, მათ უჭირთ ხალხის დარწმუნება კოოპერირების უპირატესობაში:

„აი მაგალითად ვენახის კოოპერატივი რომ ჩამოყალიბდეს, პირდაპირ დგინის ქარხანა უდებს ხელშეკრულებას, კოოპერატივი 30 ტონას მოიყვანს თუ 50 უკრობლებმოდ ჩააბარებს კურძებს. გრანტებს იძლევიან, იაფიან ხესხს იძლევიან, გადასახლიდან განთავისუფლებულები არიან, მერე შეუძლიათ რამდენიმე კოოპერატივი გაერთოანდეს ერთად და შექმნან საწარმო. სახელმწიფოს სარგებელი იქნება ის რომ სოფლის მეურნეობა განვითარდება, სხვა სარგებელს სახელმწიფო ვერ მიიღებს.“

ეთნოგრაფიული მასალის ანალიზიდან ჩანს, რომ გლეხებისათვის ყურძნის მისადებ ფასში ჩაბარებას რამდენიმე მიზეზი უშლის ხელს: დვინის ქარხების სიმცირე; დვინის კომპანიები თავად ფლობენ უპვე ვენახის დიდ ფართობებს; დვინის გასაღების საკმარისი ბაზრის არქონა და სხვ.

„გასულ წელს ხალხი უფრო შეშინდა და შეშფოთდა ყურძებთან დაკავშირებით. ქარხნებმა თუ შარშახწინ საფერავში მისცეს ორ ლარადე, რქაწითელი ლარამდე, შარშან უკვე ნაკლები შეხთავაზეს. იმიტომ რომ მედვინეები ამბობენ, „ჩვენ ჩვენი საკუთარი ვენახები იძღენი გვაძეს, რომ ჩვენს მოთხოვნილებას აკმაყოფილებს“-ო“.

გამოდის, რომ თითქოს სახელმწიფო აიმულებს დვინის ქარხებს, რომ გლეხისგან ჩაიბაროს ყურძნი. გლეხები ვიქრობენ, რომ აღნიშნული სიტუაცია (სუბსიდირება მ. ბ.) უსას-

რულოდ ვერ გაგრძელდება, არასტაბილურობის განცდა აიძულებს მათ გაყიდონ ვენახები, იმდენს იტოვებენ რომ პირადი მოხმარებისათვის ეყოთ. ბუნებრივია, ჩნდება კითხვა, თავად გლეხებს შეუძლიათ თუ არა თავიანთი მოწეული მოსავლის სახელმწიფოს გარეშე რეალიზაცია? მოპოვებული ეთნოგრაფიული მასალის მიხედვით ჯერ-ჯერობით ამის პერსპექტივა არ ჩანს, რადგან პროდუქციის გასაღების ბაზარი ქვეყნის გარეთ არის საძიებელი. ამიტომ ურჩვნიათ ყურძენი მამაპაკურად დაწურონ, ქვევრში შეინახონ დვინო და თუ კლიენტი მივა, გაყიდიან. თელავის მოსახლეობისთვის ძალზე მისაღებია ბოლო დროს გავრცელებული ინფორმაცია, რომლის მიხედვითაც თელავში შეიქმნება „დვინის სახლი“, სადაც თავად გლეხებს ექნებათ შესაძლებლობა მიიტანონ თავისი ყურძენი, დაწურონ და შემდეგ დვინოს გაუკეთონ რეალიზაცია. როგორც გად-მოგვცემენ, ეს დიდი სტიმულს მისცემს მევენახეობის განვითარებას, დაზღვევის სათანადო ამოქმედებასთან ერთად.

დასკნა. თელავის მუნიციპალიტეტში შეკრებილმა ეთნოგრაფიული მასალის ანალიზმა მევენახეობის დარგში არსებული შემდეგი პრობლემები გამოკვეთა:

1. მიწის რეფორმის შედეგად გლეხებისათვის დარიგებული ვენახები სოფლებიდან დიდი მანძილით არის დაცილებული, უტრანსპორტობის გამო კი ვერ ახერხენდნენ მათ დროულ დამუშავებას, დიდი იყო ნარგაობების მეჩხერიანობა რაც მოსავლის სარისხესა და რაოდენობაზე აისახებოდა, შემოსავალი ვერ ანაზღაურებდა გაწეულ ხარჯებს, ამიტომ გლეხების ნაწილმა ვენახები გაყიდა;

2. ვენახების გაყიდვის ერთ-ერთი მიზეზი იყო აგრეთვე მოწეული მოსავლის გასაყიდი ბაზრის დაკარგვა;

3. დღეს თელავის მუნიციპალიტეტში მიმდინარეობს ახალი ვენახების გაშენება, მაგრამ ძალიან ძვირი ჯდება, – ვენახის გაშენების სრული ხარჯი შეადგენ 15000 ლარს, – რაც მცირე-მიწიანი გლეხებისთვის შეუძლებელია, თუმცა უნდა აღინიშნოს, რომ კახეთში უკვე გამოიკვეთა კატეგორია ვერმერებისა, ვინც დიდ ფართობზე (2-3-5-10) პეტარზე აშენებს ვენახს.

4. მევენახეობის დარგში არსებული პრობლემებიდან დღეს ერთ-ერთი უმნიშვნელოვანესია მევენახე ვერმერების ცოდნის დონის ამაღლება, ვაზის მოვლის ტრადიციულ მეთოდთან ერთად თანამედროვე ტექნოლოგიების ათვისება და ბიზნესის წარმართვისათვის საჭირო უნარ-ჩვევების შექნა.

გამოყენებული ლიტერატურა:

ბოჭორიშვილი, 1956 – ბოჭორიშვილი ლ., მევენახეობა კახეთში, მსე, VIII, 1956.

ბურდული, 2016 – ბურდული მ., 2016 წლის თელავის მუნიციპალიტეტში ეთნოგრაფიული მივლინების მასალები (ინახება ავტორთან).

ბოჭორიშვილი, 1956 – ბოჭორიშვილი ლ., ვენახის მოშენების ხალხური წესები კახეთში, მსე, VIII, 1956.

კახეთელიძე, 1972 – კახეთელიძე მ., ხასია ბ., საქართველოს სსრ სოფლის მეურნეობა და მისი განვითარების პერსპექტივები, თბ., 1972.

ლეპიაშვილი, 1976 – ლეპიაშვილი ა., შენ ხარ ვენახი, თბ., 1976.

ნანობაშვილი, 1960 – ი.ნანობაშვილი, ვაზის ძველი კულტურა ქიზიქში (ეთნოგრაფიული მონაცემების მიხედვით), თბ., 1960.

უკლება, 1966 – უკლება დ., ალაზნის ველი, შიგნი-კახეთი, გამომცემლობა „საბჭოთა საქართველო“, თბ., 1966.

ჯაგახიშვილი, 1986 – ჯაგახიშვილი იქ., თხზულებანი თორმეტომად, ტ. V, საქართველოს ეკონომიკური ისტორია, წიგნი მეორე, 1986.

ცოცხალი ისტორიები, ჯულიუს რუხაძის ეთნოგრაფიული ჩანაწერები, საქართველოს ეთნოგრაფიული მემკვიდრეობის დაცვის ცონხდი: ქართველი ხალხის ტრადიციული კულტურა, კახეთი I. სამშენებლო კულტურა, 2015.

თვითმმართველი თემა – თელავის მუნიციპალიტეტის ხოფლის მეურნეობის განვითარების პერსპექტივები (თელავის მუნიციპალიტეტის ხოფლის მეურნეობის განვითარების საინიციატივო სამსახურის მასალები).